

Zeitschrift: Nebelspalter : das Humor- und Satire-Magazin
Band: 87 (1961)
Heft: 13

Artikel: Vorschlag zur Güte
Autor: [s.n.]
DOI: <https://doi.org/10.5169/seals-500282>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 13.05.2025

ETH-Bibliothek Zürich, E-Periodica, <https://www.e-periodica.ch>

Vorschlag zur Güte

«So, nächschte Herbscht übergibe dr ds Gschäft, Ärscht, u setze mi zur Ruch!»

«Eh, mach lieber no nes paar Jahr, Vatter, de chöi mer is grad beed zur Ruch setze.» FL

Um Gitsch fi Mainig




zPüntnarland isch im Bundasroot nitt varträtta. Das will abar öppa nitt haissa, daß zLand vu da hundartfuffzig Täälär zBärrn dooba vargässa wordä sej. Im Gäägatail, ganz im Gäägatail. Do hätt zum Bejschpiil dar Bundasroot am Khliina Root, also dar Püntnar Regiarig a Briaf gschribba. Dinna isch gschtanda, ma wüssi, wia schwäärs Graubünda hej. Drumm welli dar Bund dia Räätische Baana entli übernee, was jo übrigans nüüt als rächt sej und schu lang hetti sölla gmacht wärda. z Letschamend khönna ma jo in jeedara Auguscht-reed dinna khööra, daß aina für alli und alli für aina doo sejandi ... Khlaar, asoona Briaf isch nia bejm Khliina Root glandat. Darfür hätt dar Khlii Root im Radio dinna khönna khööra und in da Zittiga lääsa, daß dar Bundasroot da Püntnar a Briaf gschribba hej. Aswas schpöötär isch den däa Briaf au im Graua Huus, am Sitz vum Khliina Root aakhoo – As isch khai guata Briaf gsii. Dar Bundasroot hätt mit da Püntnar gschumpfa mäaga da Paipains, dan Ööllaitiga. Well dPüntnar gfunda hend, dar Bundasroot hej jetz lang gnuag Zitt varplemparlat, zum Beschluß mäaga denna Paipains zfassa, hends aagfanga sälbar vorwärts mahha. Sii hend mit Rächt gfunda, wenss au am Bundasroot nitt pressiar, so pressiaris halt inna. Jeeda Moonat, wo zÖöl früanar flüüsa tej, sej für da Khantoon Gäld wärt, und as sej an dar Zitt, daß zPüntnarland au amool aswas profitiara khönni.

As isch abitz a kharioosa Briaf, wo dar Bundasroot gschickht hätt. Volla «wenn» und «abar». Ganz khurz zemma gfaßt schoot aigantli nüüt anders dinna als: Jeeda Khantoon hätt braav zwaarta, bis dar Bundasroot befeelt und gnädigscht Ärlaubnis git zum aswas zuntarnee. Well das vu da Paipain-Khantöön nitt befolgt wordan isch, leenand miar, dar Bundasroot, alli Varantwörtig für alles, wo öppa passiarä khönnti, ap. Punkt. Nu, mäaga demm Briaf isch dar Khlii Root nitt öppa khliinar wor-


da. Im Gäägatail. dAntwort an da Bundasroot isch vu guatan Eltara gsii. I glauba khaum, daß dar hooch Bundasroot in Zuakhumpft widar uff dia bluamig Idee khunnt, a Briaf ana Khantoonsregiarig zvar-

öffantlihha, bevor är in da Hend vu dar Regiarig isch. Und wenss am Schluß vu dar Antwort an da Bundasroot haist: Wir hätten es begrüßt, wenn in Ihrem Briefe dieses für die Erschließung wirtschaft-

lich benachteiligter Regionen so entscheidende Werk wohlwollender gewürdigt worden wäre – so wetti ii nu säaga: Wenn ii dä Briaf gschribba hetti, so wääri är abitz gröbar ussakhoo!



Kombination Arosa-Venedig



«Etz chasch choo Heiri!»



HOTEL ROYAL

Beim Badischen
Bahnhof
Höchster Komfort
zu mässigen Preisen
Grosser Parkplatz

BASEL



Terrassen-Restaurant

Einzigartig am See gelegen.
Lunch und Diner.
Reichhaltige Tageskarte.

Ihre Nerven

beruhigen und stärken Sie bestens, wenn Sie eine Kur mit dem Spezial-Nerventee «VALVISKA» durchführen. Sie schlafen wieder besser, fühlen sich anderntags ausgeruht, gekräftigt und guter Laune. Doppel-Kurpackung Fr. 5.20, Probepckg. Fr. 2.95. – Machen Sie einen Versuch.

VALVISKA